

# ...МЕН УНИ ЯХШИ КҮРАРДИМ!

15:42 / 28.04.2017 3810

Ушбу ҳикоят туркиялик бир йигит томонидан айтиб берилган: "... Мен уни яхши күрардим. Истеъдодли, ўз ишига пухта йигит эди. Кам гапиради-ю, лекин чертиб-чертисиб гапиради. Келишган эди. Чиройли кийинарди. Биргина камчилиги - намоз ўқимасди. Мен динга бўлган лаёқатини уйғотиш ниятида намоз ҳақида кўп гапирадим. Бироқ, бир хил сабабни рўкач қиласди: "Тўғри тушун, мен чиройли кийинишни яхши кўраман. Бунинг устига, эътибор берган бўлсанг, яшил рангга меҳрим бўлакча. Яшил шимим бор, уни шу қадар яхши кўраманки, хотинимга ҳар куни дазмоллатиб кўчага чиқаман. Намоз ўқисам... шимимнинг дазмоли кетиб қолади!"

Қизиқ баҳона-ю, лекин мен унинг бу баҳонасини сабаб ўрнида кўрганман. Чунки ҳар куни учратсам, яшил шим ва қизил кўйлаги унга анча ярашганини хис қилганман. Бир кун йўлим тушим Истамбулнинг катта масжидларидан бирига кирдим. Не ажабки, менинг танишим жамоатнинг олди қаторида эди. Бир умр шимининг дазмоли бузилишидан чўчиб масjid ҳатламаган танишимни биринчи сафда кўриб бошида ажабландим. Аммо кейин ўзимни босиб олдига бордим.

- Ҳа, барибир келар экансан-ку, ўзингча яшил шимингни рўкач қилиб келмайман, деб мени холи жонимга қўймасдинг. Мен сени жуда савияли деб билсан-да, айнан шу баҳонангга ҳайратланардим. "Қизиқ, савияли бўла туриб ҳам, одам шунчалик савиясиз баҳона топиши мумкинми?" деган савол ич-ичимни тирнарди. Яшил шиминг деб бир умр масжидга кирмай ўтдинг-а, лекин мен сени бугун шу ерда кўриб турибман. Барибир келибсан-а...

У индамасди. Танишим яшил матога ўралган тобут ичидаги индамай ётарди." ... Ҳа, ушбу ҳикоятнинг замирида катта ҳикмат ётади. Ўзини мўминман деб ҳисоблаган одам барибир масжидга келади. Аҳмад Яссавий ҳазратлари айтганидек, "Тўрт чўбинлик чўян от бир кун санга етар-о". Бугун шимларининг дазмоли эмас, балки бундан ҳам "savияли", баъзиларнинг наздида сабаб ўрнида ўтадиган баҳоналарни келтириб, масжид ҳатламаётган оёқларни бир кунмас бир кун барибир Аллоҳнинг уйига олиб келишади. Барибир биринчи сафда туриш бор. Лекин Аллоҳнинг наздида инсон одамлар томонидан эмас, балки ўзи ихтиёрий равишда ўз оёғи

билин масжидга келса қадрлидир. Севган рангидаги тобутда ётгунга қадар Аллоҳнинг севган инсонлари тўпланадиган масжидларга келиб туринглар, азиз юртдошлар!